

# Leiðbeiningar

## fyrir innflytjendur sem hafa leyfi til SMT-tollafgreiðslu

Útgáfa 3.7

### Inngangur

Leiðbeiningar þessar eru gerðar fyrir innflytjendur, sem fengið hafa leyfi til pappírslausrar tollafgreiðslu, hér eftir nefnd SMT-tollafgreiðsla, samkvæmt 31. gr. reglugerðar nr. 1100/2006 um vörslu og tollmeðferð vöru, með síðari breytingum. Þeir sem fengið hafa leyfi til SMT-tollafgreiðslu eru hér nefndir leyfishafar. Leiðbeiningarnar lýsa verklagsreglum við SMT-tollafgreiðslu, en að öðru leyti vísast til ofangreindrar reglugerðar svo og annarra fyrirmæla í lögum og reglugerðum um tollafgreiðslu. sjá einnig leiðbeiningar um útfyllingu innflutningsskýrslu ebl. E-2 á vef Skattsins <https://www.skatturinn.is>

Innflytjandi sem hefur leyfi til SMT-tollafgreiðslu má og getur aðeins tollafgreitt eigin vörusendingar og póstsendingar. Af því leiðir að skilyrt er við SMT-tollafgreiðslu að vörusendingar séu skráðar á nafn og kennitölu innflytjanda í farmskrá hjá Skattinum. Innflytjandi kemur fram fyrir eigin hönd við tollmeðferð og tollafgreiðslu vörusendingar og póstsendingar, sem m.a. felur í sér framlagningu SMT-innflutningsskýrslu hjá Skattinum, upplýsingagjöf vegna tollmeðferðar vörunnar og skuldbindingu um greiðslu skuldfærðra aðflutningsgjalda síðar.

- Með orðinu **póstsending** í leiðbeiningum þessum er átt við bögglasendingar, smápakka og bréf sem tollafgreiða má á innflutningsskýrslu, ebl. E-2
- Með orðinu **vörusending** í leiðbeiningum þessum er átt við vörur sem tollafgreiddar eru hjá Skattinum.

### Tollafgreiðsla með innflutningsskýrslu á pappír

Innflytjanda sem hefur leyfi til SMT-tollafgreiðslu er jafnframt heimilt, ef nauðsyn krefur eða að kröfu Skattsins, að tollafgreiða vörur með skriflegri innflutningsskýrslu ebl. E-2. Heimild til greiðslufrests aðflutningsgjalda gildir jafnt við tollafgreiðslu með skriflegri innflutningsskýrslu og við SMT-tollafgreiðslu vara.

## Um skuldfærslu og greiðslu aðflutningsgjalda hjá Skattinum

### **SMT-tollafgreiðsla**

Öll aðflutningsgjöld af SMT-tollafgreiddum vörusendingum og póstsendingum eru skuldfærð á innflytjanda við tollafgreiðslu til innheimtu síðar skv. gildandi reglum þar um.

*Uppgjörstímabil og eindagar. Almennar reglur.*

- Uppgjörstímabil skuldfærðra gjalda eru mismög.
- Tollskrárnúmer vöru ræður því undir hvaða uppgjörstímabil vara fellur.
- Öll gjöld á tilteknu tollskrárnúmeri falla undir sama uppgjörstímabil.
- Þegar fleiri en eitt tollskrárnúmer er í innflutningsskýrslu er mögulegt að eindagar greiðslu skuldfærðra gjalda séu tveir á sömu vörusendingunni eða póstsendingunni.
- **Frávik:** Sum gjöld skuldfærast með sérstökum hætti hvað varðar uppgjörstímabil og eindaga eins og t.d. áfengisgjald (V\* gjöld), vörugjald af ökutækjum (M\* gjöld).

Hér er lengd og fyrirkomulagi uppgjörstímabila skv. **almennu reglunni** lýst og greint frá eindögum skuldfærðra gjalda í hverju tilviki:

1. Eins mánaðar uppgjörstímabil.
  - 1.1 Hvert uppgjörstímabil er 1 almanaksmánuður, þ.e. 12 tímabil á ári.
  - 1.2 Eindagi vegna skuldfærslu gjalda af vöru sem tollafgreidd er á eins mánaðar uppgjörstímabili er alltaf 15. dagur næsta mánaðar eftir lok uppgjörstímabils. Beri eindaga upp á helgidag eða almennan frídag færist hann á næsta virka dag á eftir:

<i>Uppgjörstímabil</i>	<i>Eindagi</i>
Janúar	15. febrúar
Febrúar	15. mars
Mars	15. apríl
Apríl	15. maí
Maí	15. júní
Júní	15. júlí
Júlí	15. ágúst
Ágúst	15. september
September	15. október
Október	15. nóvember
Nóvember	15. desember
Desember	15. janúar

2. Tveggja mánaða uppgjörstímabil.
  - 2.1 Hvert uppgjörstímabil er 2 almanaksmánuðir, þ.e. 6 tímabil á ári.
  - 2.2 Eindagi vegna skuldfærslu gjalda af vöru, sem tollafgreidd er á tveggja mánaða uppgjörstímabili er alltaf 15. dagur næsta mánaðar eftir lok uppgjörstímabils. Beri eindaga upp á helgidag eða almennan frídag færist hann á næsta virkan dag á eftir:

<i>Uppgjörstímabil</i>	<i>Eindagi</i>
Janúar-febrúar	15. mars
Mars-apríl	15. maí
Maí-júní	15. júlí
Júlí-ágúst	15. september
September-október	15. nóvember
Nóvember-desember	15. janúar

### ***Tollafgreiðsla með innflutningsskýrslu á pappír***

Ef innflytjandi tollafgreiðir með skýrslu á pappír sbr. ebl. E-2 getur hann fengið greiðslufrest á aðflutningsgjöldum með sama hætti og gildir við SMT-tollafgreiðslu. Athugið þó að frávík eru frá þessari reglu hvað varðar vörugjald af ökutækjum sem skuldfært er með mismunandi hætti eftir því hvort um er að ræða SMT-tollafgreiðslu eða tollafgreiðslu með innflutningsskýrslu á pappír. Uppgjörstímabil og eindagar vegna skuldfærslu annarra aðflutningsgjalda eru með sama hætti og gildir við SMT-tollafgreiðslu.

Öll aðflutningsgjöld verður þó að staðgreiða við fullnaðartollafgreiðslu vörusendinga og póstsendinga sem áður hafa hlotið bráðabirgðatollafgreiðslu og einnig ef tollkritarheimild innflytjanda er uppurin á uppgjörstímabili.

### **Pappírslaus innflutningsskýrsla – SMT-innflutningsskýrsla**

Pappírslaus skýrsla, hér á eftir nefnd SMT-innflutningsskýrsla, inniheldur sömu reiti til útfyllingar og skrifleg skýrsla, sbr. ebl. E-2, en með eftirtöldum frávikum:

1. Í stað undirskriftar prókúruhafa í reit 54 í innflutningsskýrslu ebl. E-2 hefur leyfishafi SMT-tollafgreiðslu lýst yfir í umsókn um pappírslausa tollafgreiðslu, sem samþykkt hefur verið af Skattinum, hverjir hafi leyfi til að skuldbinda hann með innsendingu SMT-innflutningsskýrslu til Skattsins. Viðkomandi starfsmenn leyfishafa hafa staðfest ábyrgð sína með undirskrift á umsóknina. Leyfishafi skal tilkynna Skattinum ef breyting verður á nafnalista vegna nýrra starfsmanna eða starfsmanna, sem hætta störfum. Viðkomandi starfsmenn eru skráðir á kennitölu leyfishafa í „Undirskriftaskrá“ í innflytjendaskrá Tollakerfis/Tollalínu.
2. Að auki er váttrygging alltaf sem upphæð í SMT-innflutningsskýrslu.
3. Reitir 3, 5, 32 þarf ekki að fylla út í SMT skýrslu

### ***Varsla SMT-innflutningsskýrslu***

Innflytjanda er ekki skylt að prenta út SMT-innflutningsskýrslu en skal varðveita hana á tölvutæku formi eins tryggilega og önnur bókhaldsgögn.

### ***Leyfi, vottorð og beiðni um undanþágur gjalda***

Ef skilyrt er í lögum og reglugerðum eða í „Tollskrárlyklar“ á heimasíðu Skattsins <https://www.skatturinn.is/tollskrarlyklar>, að leyfi, vottorð eða áritanir liggi fyrir áður en tiltekin vara er tollafgreidd inn í landið skal gefið til kynna í SMT-innflutningsskýrslu að þau gögn séu til staðar. Það er gert með því að innflytjandi skráir í SMT-innflutningsskýrslu viðeigandi þriggja stafa lykil ásamt tilvísun, sem er númer eða dagsetning leyfis eða vottorðs, sbr. reit 44 á skriflegri innflutningsskýrslu ebl. E-2.

Leiðbeiningar og skrá yfir leyfi, vottorð, bönn og undanþágur er að finna á heimasíðu Skattsins. Þar má fá ítarlegar leiðbeiningar um útfyllingu á reit 44 í innflutningsskýrslu og er brýnt að eftir þeim sé farið við SMT-tollafgreiðslu. Upplýsingar um leyfi, vottorð og bönn á tollskránum má einnig fletta upp í tollskrá í Tollalínunni.

*Sérstakar reglur vegna EUR-upprunasönnunar og GSP-upprunasönnun:*

- Ef um EUR skírteini er að ræða skal númer þess ritað í svæðið á eftir lyklinum.  
Dæmi: EUR 1234567.

- Ef EUR yfirlýsing/-áritun er á vörureikningi sem tilheyrir innflutningsskýrslu skal rita „YFIRLÝSING“ í svæðið á eftir kódanum. Þannig: EUR YFIRLÝSING.
- Ef um GSP-skírteini er að ræða skal númer þess ritað í svæðið á eftir lyklinum. Dæmi: GSP 1234567.
- Ef GSP-yfirlýsing/-áritun er á vörureikningi sem tilheyrir innflutningsskýrslu skal rita „YFIRLÝSING“ í svæðið á eftir lyklinum. Þannig: GSP YFIRLÝSING.

### **Tilvísun vegna beiðni um niðurfellingu eða undanþágu frá greiðslu aðflutningsgjalda**

Þegar innflytjandi á rétt á og óskar eftir að vara sé undanþegin aðflutningsgjöldum að nokkru eða öllu leyti samkvæmt sérstökum heimildum í lögum, reglugerðum eða öðrum birtum heimildum, þ.e. í Stjórnartíðindum, ber honum að gefa það til kynna í „leyfi/vottord“ í SMT-innflutningsskýrslu, sbr. reit 44 á skriflegri tollskýrslu (ebl. E 2.1.), með því að tilgreina sérstaka tilvitnun sem saman stendur af *þriggja stafa lykli*, UND, og sérstakri *undanþágutilvísun* í viðkomandi heimild til undanþágu. Að auki skal vísa til heimildarnúmers undanþágu gjalda sem innflytjandi hefur fengið úthlutað skv. beiðni á ebl. E27 og Skatturinn hefur samþykkt. Lykill heimildarnúmers er HNR. Stefnt er að því að hægt verði að senda slík skjöl sem viðhengi með tollskýrslu. Sjá lista yfir undanþágutilvísanir: <https://www.skatturinn.is/undanthagur>

Með þessum hætti er innflytjandi að lýsa því yfir að hann óski eftir undanþágu tiltekinna aðflutningsgjalda af vörunni samkvæmt þeim heimildum sem undanþágutilvísun vísar til. Jafnframt er innflytjandi að lýsa því yfir að hann skuldbindi sig til að hlíta öllum þeim fyrirætlum, skilyrðum og takmörkunum sem í nefndum heimildum er að finna fyrir undanþágu gjaldanna og ráðstöfun vörunnar. Dæmi um hvernig rita skal slíka tilvitnun vegna undanþáguheimildar í fjárlögum vegna fallbyssuskota sem Landhelgisgæslan fær að gjöf frá Noregi er: UND F2604 og HNR REY9999

Athugið að í ýmsum tilvikum er nauðsynlegt að tollafgreiðsla fari fram með innflutningsskýrslu á pappír þegar um niðurfellingu eða lækkun aðflutningsgjalda er að ræða.

*Gerð svæðis:* Lykill (a3), tilvísun með lykli (a..20)

### ***Tegundir tollafgreiðslu***

Allar tegundir tollafgreiðslu eru heimilar sbr. lista yfir þær í almennum leiðbeiningum reit 1.2

### **Afgreiðsluferill SMT-tollafgreiðslu**

#### ***Almennt***

Pappírslaus tollafgreiðsla fer fram með SMT-skeytasendingum milli innflytjanda, tollmiðlara, Skattsins og farmflytjanda eða annarra viðurkenndra vörsluhafa ótollafgreiddrar vöru. Öll SMT-skeyti fara í gegnum gagnaflutningsnet og x-400 staðlað gagnahólf. Það gerist á þann hátt að sendandi SMT-skeytis sendir skeyti úr tölvukerfi sínu í

gagnahólf viðtakanda og viðtakandi sækir skeytið úr gagnahólfi sínu og les inn í tölvukerfi sitt. Öll tollafgreiðslu skeyti eru þannig send inn í eða frá Tollakerfinu.

Íslenska skammstöfunin fyrir pappírslaus viðskipti er SMT og merkir „Skjalasendingar milli tölva“. Fjölbjóðaskammstöfunin er EDI, „Electronic Data Interchange“. Hvert SMT-skeyti inniheldur á tölvutæku formi upplýsingar þess skjals sem skeytið er ætlað til flutnings á samkvæmt staðli. SMT-skeytin koma í stað skjala sem ella hefðu farið á milli leyfishafa SMT-tollafgreiðslu og Skattsins á pappír, t.d. innflutningsskýrslur, skuldfærslutilkynningar (koma í stað greiðslukvittana), afhendingarheimildir o.fl. skjöl eins og nánar er greint frá hér á eftir.

### **„Skjöl“ sem fara á milli aðila með SMT-skeytum**

Eftirfarandi SMT-skeyti fara á milli aðila. Heiti skeytanna og uppbygging er samkvæmt staðli Sameinuðu þjóðanna, UN/EDIFACT, fyrir pappírslaus viðskipti.

Heiti skeyta: Skjal/skýringar:

#### ***Innflutningsskýrsla frá innflytjanda til Skattsins***

- CUSDEC - Customs Declaration.  
Vörusending eða póstsending telst vera tekin til tollmeðferðar hjá Skattinum þegar CUSDEC skeytið hefur verið skráð mótttekið í Tollakerfið. Sé móttöku SMT-innflutningsskýrslu hafnað sendir Tollakerfið CUSGER-skeyti sjálfvirkt til innflytjanda með skýringum. Móttöku CUSDEC-skeytis er hafnað ef sendingarnúmer og/eða kennitala er ekki rétt og í fleiri tilvikum.

#### ***Skuldfærslutilkynning eða bakfærslutilkynning frá Skattinum til innflytjanda***

- CUSTAR - Customs Tax Calculation/Confirmation Response.  
Skuldfærslutilkynning frá Skattinum til innflytjanda sem inniheldur samsvarandi upplýsingar og kemur í stað greiðslukvittunar á pappír frá Skattinum fyrir aðflutningsgjöld. CUSTAR-skeytið er sent um leið og tollafgreiðsla vörusendingar eða póstsendingar fer fram og gjöld eru skuldfærð á innflytjanda. Skeytið er einnig notað vegna bakfærslutilkynningar. Innflytjanda er skylt að varðveita í bókhaldi sínu allar skuldfærslutilkynningar. Um leið og innflytjanda er sent CUSTAR-skeyti er farmflytjanda sent CUSPAR-skeyti, þ.e. afhendingarheimild; tilkynning frá Skattinum um að vörusending sé tollafgreidd og afhenda megiinnflytjanda vöruna.

#### ***Afhendingarheimild frá Skattinum til farmflytjanda eða miðlara ef tollmiðlari er vörsluhafi vörunnar.***

- CUSPAR - Customs Package Response.  
Afhendingarheimild, tilkynning um tollafgreiðslu vöru, frá Skattinum til farmflytjanda, flutningsmiðlara eða annars vörsluhafa ótollafgreiddra vara. Farmflytjandi eða annar vörsluhafi hinnar ótollafgreiddu vöru má ekki afhenda vöruna fyrr en CUSPAR-skeytið hefur borist honum frá Skattinum.

Vara telst tollafgreidd þegar CUSTAR skeyti hefur verið sent innflytjanda og CUSPAR skeyti hefur verið sent farmflytjanda og Skatturinn þar með heimilað afhendingu vörusendingar eða póstsendingar. Sjá nánar 9. og 10. gr. reglugerðar nr. 858/2000. Sjá 32. gr. reglugerðar nr. 1100/2006. CUSPAR skeytið er einnig notað ef afhendingarheimild er afturkölluð af Skattinum sem á sér stað ef sending er bakfærð hjá gjaldkera þar. Þá er farmflytjanda eða miðlara sent CUSPAR skeyti um að tollafgreiðsla sé afturkölluð.

***Athugasemdir frá Skattinum við SMT-innflutningsskýrslu sem sendar eru innflytjanda***

- CUSERR - Customs Error Response.  
Athugasemdir sem starfsmaður Skattsins kann að gera við SMT-innflutningsskýrslu. Skeytið er sent frá Skattinum til innflytjanda sem getur sent inn leiðréttu SMT-innflutningsskýrslu með nýju CUSDEC-skeyti.

***Beiðni frá Skattinum til innflytjanda um að hann sendi tollskjöl til Skattsins***

- CUSDOR - Customs Document Response.  
Beiðni frá Skattinum til innflytjanda um að senda tiltekin tollskjöl vörusendingar eða póstsendingar til Skattsins t.d. vegna vöruskoðunar eða annarrar athugunar. Beiðnin skal prentuð út hjá innflytjanda og látin fylgja þegar tollskjöl eru send til Skattsins. Í beiðninni er veittur tiltekinn frestur til að skila inn tollskjölum.

***Tilkynning um synjun móttöku SMT-innflutningsskýrslu eða synjun tollafgreiðslu***

- CUSGER - Customs General Response.  
Ef móttöku SMT-innflutningsskýrslu eða tollafgreiðslu hennar er hafnað í Tollakerfi er CUSGER skeyti sent til innflytjanda. Skeytið inniheldur texta sem greinir frá ástæðu synjunar.

Ef móttöku, tollmeðferð, er synjað getur ástæðan m.a. verið að kennitala sé röng eða að heimild innflytjanda til SMT-tollafgreiðslu hafi verið felld úr gildi.

Ef tollafgreiðslu er synjað á mótttekinni SMT-innflutningsskýrslu getur ástæðan m.a. verið að hámarksupphæð tollkrítarheimildar innflytjanda vegna skuldfærslu gjalda sé náð á uppgjörstímabilinu eða SMT-heimild hafi verið afnumin eftir að SMT-innflutningsskýrsla var móttékin hjá Skattinum.

***Bakfærsla áður skuldfærðra gjalda***

Ef SMT-tollafgreidd sending er bakfærð hjá gjaldkera Skattsins er sent CUSTAR-skeyti með bakfærslutilkynningu sem merkir að áður skuldfærð aðflutningsgjöld sendingar hafi verið bakfærð og einnig er farmflytjanda eða miðlara sent CUSPAR-skeyti um afturköllun afhendingarheimildar.

Skatturinn framkvæmir ekki bakfærslu nema í sérstökum tilvikum og þá í samráði við innflytjanda. Bakfærslu má ekki gera nema sama dag og gjöld voru skuldfærð, þ.e. þegar sending var tollafgreidd. Bakfærsla er ekki gerð nema varan sé enn í vörslu farmflytjanda eða flutningsmiðlara.

### ***Tollafgreiðsla vörusendingar eða póstsendingar ekki heimiluð***

Til þess að vörusending eða póstsending geti fengið tollafgreiðslu verður innflytjandi að hafa tollafgreiðsluheimild hjá Skattinum. Ennfremur þarf tollkritarheimild að vera fyrir hendi og hún má ekki vera fullnýtt á uppgjörstímabilinu ef heimildin er bundin hámarksupphæð samkvæmt bankaábyrgð.

### ***SMT-innflutningsskýrsla leiðrétt eftir tollafgreiðslu***

Ef leiðrétt þarf SMT-innflutningsskýrslu eftir tollafgreiðslu skal það gert með nýrri SMT-innflutningsskýrslu. Vangreidd gjöld sem kunna að vera lögð á vörusendingu eða póstsendingu eftir að SMT-tollafgreiðsla hefur átt sér stað verða send til innheimtu í tekjubókhaldskerfi ríkisins og vaxtareiknast þar verður að staðgreiða.

### ***SMT-tollafgreiðsla póstsendingar***

Áður en innflytjandi hefur SMT-tollafgreiðslu póstsendinga skal hann hafa samband við pósthús þar sem póstsendingar eru til tollafgreiðslu. Ástæða þessa er sú að SMT-leyfishafi þarf að semja við pósthús um það hvernig farið skuli með greiðslu póströfu vegna póstsendingarinnar og greiðslu þjónustugjalda til pósthúss, þ.e. tollmeðferðargjalds (M-gjald) og geymslugjalds (L-gjald).

Við SMT-tollafgreiðslu póstsendingar eru öll aðflutningsgjöld skuldfærð eins og almennt gildir um SMT-tollafgreiðslu. Varðandi greiðslu póströfu og þjónustugjalda vegna póstsendingar býður Íslandspóstur hf. upp á eftirfarandi þjónustu í tengslum við SMT-tollafgreiðsluna. Pósthús sem annast SMT-tollafgreiðslu veita nánari upplýsingar um framangreinda þjónustu.

### ***Tollafgreiðsla miðlara á vörum innflytjanda, sem hefur leyfi til SMT-tollafgreiðslu***

#### **Tollmiðlari gjaldfærir aðflutningsgjöld á innflytjanda**

Þegar tollmiðlari gerir innflutningsskýrslu og tollafgreiðir vöru í umboði innflytjanda getur tollmiðlari í umboði innflytjanda óskað eftir því í innflutningsskýrslu að aðflutningsgjöld verði gjaldfærð, staðgreidd og/eða skuldfærð, á innflytjanda skv. þeim heimildum sem innflytjandi hefur til greiðslufrests aðflutningsgjalda. *Gjaldfærslubeiðni á innflytjanda* getur tollmiðlari sett fram vegna almennra vörusendinga, safnsendinga, hraðsendinga og vegna tollafgreiðslu vara úr tollvörugeymslu eða af frísvæði. Gjaldfærslubeiðni á innflytjanda getur tollmiðlari sett fram bæði við SMT-tollafgreiðslu og við tollafgreiðslu með tollskýrslu á pappír.

Allar innflutningsskýrslur miðlara innihalda bæði kennitölu miðlara og kennitölu viðkomandi innflytjanda, sem á vöru.

#### **Tollmiðlari tollafgreiðir með innflutningsskýrslu á pappír – gjaldfært á innflytjanda**

Þegar um tollafgreiðslu með skýrslu á pappír er að ræða er greiðslukvittun í framangreindu tilviki stíluð á innflytjanda en einnig kemur fram nafn viðkomandi miðlara. Þau gjöld sem innflytjandi hefur heimild fyrir að fá skuldfærð eru þá skuldfærð á hann en önnur gjöld koma til staðgreiðslu.



### **Tollmiðlari tollafgreiðir með SMT-innflutningsskýrslu – gjaldfært á innflytjanda Skuldfærslutilkynning er þá send bæði miðlara og innflytjanda**

Ef miðlari framkvæmir tollafgreiðslu vöru með SMT-innflutningsskýrslu og innflytjandi, sem á vöru, er með gilda heimild til SMT-tollafgreiðslu hjá Skattinum þá er skuldfærslutilkynning (CUSTAR-skeyti) sent til innflytjanda auk þess að vera sent þeim miðlara sem sendi SMT-innflutningsskýrsluna. Þetta gildir ef tollmiðlari hefur sett fram gjaldfærslubeiðni á innflytjanda í SMT-innflutningsskýrslu. Í skuldfærslutilkynningunni kemur fram bæði kennitala miðlara og innflytjanda og ennfremur kemur fram að aðflutningsgjöld hafi verið skuldfærð á innflytjanda.

### **Tollmiðlari tollafgreiðir með SMT-innflutningsskýrslu – gjaldfært á miðlara**

Ef tollmiðlari setur ekki fram gjaldfærslubeiðni á innflytjanda í innflutningsskýrslu eru gjöld gjaldfærð á miðlara til staðgreiðslu og/eða skuldfærð skv. þeim heimildum sem tollmiðlari hefur til greiðslufrests aðflutningsgjalda. Tollmiðlari innheimtir síðan aðflutningsgjöldin hjá innflytjanda.

### **Varsla gagna**

Leyfishafa SMT-tollafgreiðslu ber að varðveita þau tollskjöl, þ.m.t. leyfi, vottorð og áritanir, í bókhaldi sínu sem hefði átt að leggja fram með innflutningsskýrslu ef hún hefði verið lögð inn hjá Skattinum sem skrifleg skýrsla á ebl. E-2 samkvæmt almennum reglum. Tollskjöl vörusendingar eða póstsendingar skulu vera til staðar hjá leyfishafa þegar SMT-tollafgreiðslan fer fram.

Ef tollmiðlari með leyfi til SMT-tollafgreiðslu annast tollafgreiðslu fyrir innflytjanda þá ber honum sem umboðsaðila innflytjanda að varðveita tollskjöl en það breytir engu um skyldur innflytjanda að varðveita einnig í sínu bókhaldi tollskjöl er varða hina innfluttu vöru.

Leyfishafa er ekki skylt að prenta út önnur skjöl sem SMT-skeyti flytja en CUSDOR, beiðni um að senda tollskjöl vörusendingar eða póstsendingar til Skattsins, þegar það á við. Þó skal vera mögulegt að prenta út CUSTAR, skuldfærslutilkynningar (eftir atvikum bakfærslutilkynningar) og SMT-tollskýrslur.

Þau gögn, sem varða tollafgreiðslu vöru og eingöngu eru geymd á tölvutæku formi, skal varðveita jafn tryggilega hjá innflytjanda og öll önnur bókhaldsgögn. Þessi gögn eru m.a. SMT-skeytin og SMT-innflutningsskýrslur. Í þessu sambandi er skylt að framkvæma öryggisafritun með reglubundnum hætti af gagnamiðlum, t.d. hörðum diskum í tölvukerfum, sem varðveita bókhaldsgögn. Um vörslu og aðgengi gagna og bókhald gilda lög nr. 145/1994 um bókhald, með síðari breytingum, og reglugerð nr. 505/2013 um rafræna reikninga, rafrænt bókhald, skeytamiðlun, skeytaþjónustu, geymslu rafrænna gagna og lágmarkskröfur til rafrænna reikninga- og bókhaldskerfa.

## Sérstaða varðandi SMT-tollafgreiðslu

- Mælt er eindregið með því að leyfishafar SMT-tollafgreiðslu hafi aðgang að Tollalínu tolyfirvalda en þar er m.a. unnt að fá upplýsingar um greiðslustöðu vegna skuldfærslu aðflutningsgjalda og fylgjast með stöðu tollafgreiðslu vörusendinga og póstsendinga o.fl..
- Starfsmönnum Skattsins er ekki heimilt að breyta upplýsingum í SMT-innflutningsskýrslum eða leiðréttu þær við tollmeðferð og er þeim því aldrei breytt eða leiðréttingar gerðar af starfsmönnum Skattsins. Af því leiðir að sé SMT-skýrsla samþykkt af Skattinum hefur leyfishafi vissu fyrir því að tollafgreiðslan er byggð á þeim upplýsingum óbreyttum, sem hann skráði í innflutningsskýrsluna og ber ábyrgð á að séu réttar. Séu athugasemdir gerðar við SMT-innflutningsskýrslu sem er til afgreiðslu hjá Skattinum getur leyfishafi sent inn nýja leiðréttu SMT-innflutningsskýrslu eða í sérstökum tilvikum að kröfu Skattsins lagt inn leiðréttu innflutningsskýrslu á pappír ásamt fylgiskjölum og telst þá vörusendingin eða póstsendingin vera komin í almenna tollafgreiðslu hjá Skattinum og ekki lengur vera í afgreiðsluferli SMT-tollafgreiðslu.
- Þegar leyfishafi sendir SMT-innflutningsskýrslu um gagnaflutningsnet til Skattsins telst hann vera að samþykkja að Skatturinn tollafgreiði vöruna eins fljótt og verða má og skuldfæri leyfishafa fyrir álöggðum aðflutningsgjöldum, án frekari beiðni hans þar um og jafnframt felst í því skuldbinding af hans hálfu um greiðslu gjaldanna sbr. 2. mgr. 33. gr. reglugerðar nr. 1100/2006. Af þessu leiðir að leyfishafi skal aldrei senda SMT-innflutningsskýrslu til Skattsins nema hann vilji fá vöruna tollafgreidda þegar í stað.
- Senda má SMT-innflutningsskýrslur til Skattsins allan sólarhringinn en tollafgreiðsla hjá Skattinum er þó m.a. háð því að öll tölvukerfi séu starfhæf, þ.m.t. tölvukerfi tolyfirvalda, Tollakerfið og tekjubókhaldskerfi innheimtumanna, TBI-kerfið, sem er í umsjón Ríkisbókhalds. Öll skuldfærð og staðgreidd aðflutningsgjöld eru sjálfvirkt bókuð í TBI-kerfið um leið og tollafgreiðsla á sér stað í Tollakerfi.
- Ef SMT-skeyti frá Skattinum hefur misfarist á leiðinni til eða hjá innflytjanda getur Skatturinn að beiðni hans sent skeytið aftur, þ.e. afrit þess.

## Útskrift innflutningsskýrslu á pappír og SMT-skýrsla – línur tollskrárnúmera

- Meginreglan er sú að draga skal saman vörur í vöruheikningi eða vöruheikningum sem tilheyra einni innflutningsskýrslu og eru í sama tollskrárnúmeri í eina línu í innflutningsskýrslu hvort sem um er að ræða skýrslu á pappír eða SMT-innflutningsskýrslu. Þetta er bundið þeim skilyrðum að upplýsingar sem tengdar eru tollskrárnúmerinu séu samhljóða, þ.e. að tegund tolls og upprunaland sé það sama fyrir vörurnar og eftir atvikum að aðrar upplýsingar sem krafist er í innflutningsskýrslunni vegna vörunnar leiði ekki af sér að sundurliða þarf vörur í línunum í skýrslu þó að þær falli undir sama tollskrárnúmer.
- Í ýmsum tilvikum getur reynst nauðsynlegt að sundurliða vörur í sama tollskrárnúmeri og sem bera sömu tegund tolls og upprunaland, t.d. ef álagning gjalda á vöruna krefst slíkrar sundurliðunar vegna upplýsinga um einingatölu, nettóvigti, lítratölu og styrkleikaprósentu áfengis, sem þá mynda gjaldstofn gjalda á vöruna í tollskrárnúmerinu. Einnig getur verið þörf á sundurliðun vegna þess að hluti af vörunni í tollskrárnúmeri skal undanþegin gjöldum, en þá þarf að tilgreina í sérlínu í skýrslu þann hluta vörunnar sem óskað er eftir undanþágu gjalda á. Þau tilvik geta einnig komið upp að innflytjandi óski eftir að fá að sundurliða vörur í innflutningsskýrslu sem eru í sama tollskrárnúmeri.

### **Í tollskýrslugerðarforritum innflytjenda skal samkvæmt framansögðu vera unnt að velja um tvær leiðir við útskrift innflutningsskýrslu eða gerð SMT-innflutningsskýrslu:**

1. Að sameina í eina línu vörur sem eru í sama tollskrárnúmeri og fullnægja öllum skilyrðum til þess að sameina megi vöruna í eina línu. Þetta skal vera meginregla.
2. Að sundurliða megi vörur í sama tollskrárnúmeri í línunum tollskrárnúmera í innflutningsskýrslu ef álagning gjalda eða undanþága gjalda krefst þess eða ef innflytjandi óskar þess. Ef slík sundurliðun er eingöngu vegna óska innflytjandans skal hann áður en hann leggur fram slíka skýrslu á pappír eða sem SMT-innflutningsskýrslu fá leyfi Skattsins til slíkrar sundurliðunar við tollafgreiðslu.

### **Samræmi á framsetningu upplýsinga í SMT-innflutningsskýrslu (CUSDEC-skeyti), innflutningsskýrslu á pappír og innflutningsskýrslu sem vistuð er í hugbúnaði og tölvukerfi innflytjanda.**

SMT-innflutningsskýrsla sem send er með CUSDEC-skeyti til Skattsins skal innihalda upplýsingar eins fram settar og í samræmi við pappírsinnflutningsskýrslu sem skrifuð er út úr hugbúnaði innflytjanda. Með þessu er m.a. átt við að ef vörur í sama tollskrárnúmeri eru dregnar saman í eina línu í SMT-innflutningsskýrslu skal slíkt einnig gert þegar sú skýrsla er prentuð út á pappír. Sama gildir þá einnig þegar vörur í sama tollskrárnúmeri eru **ekki** dregnar saman í eina línu í SMT-innflutningsskýrslu, þá skal það ekki heldur gert í pappírsgáfum skýrslunnar. Innflutningsskýrslur, hvort sem um SMT-innflutningsskýrslu eða pappírsskýrslu er að ræða, skulu vistaðar í tölvukerfi innflytjanda eins og þær voru sendar til Skattsins og fengust samþykktar þar.